



Uunga:

Aqqalu C. Jerimiassen, Atassut
Inatsisartunut ilasortaq

§ 37 naapertorlugu apeqqummut nr. 73-imut akissut

Naalakkersuisut Inatsisartunut ilaasortap Aqqalu C. Jererimiassenip, Atassut, Inatsisartut suleriaasianni § 37, imm. 1 naapertorlugu apeqqutaa ulloq 21. marts 2022 tiguaat.

Aallarniutigalgu oqaatigissavara apeqquteqartup apeqqutaa ataatsimut isigalugu akissuteqarfigissagakku.

29-03-2022
Sags nr. 2022 - 7502
Dok. nr. 19651360

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqut:

Namminiilivinnikkut aningaasat nunatsinnut kuuginnartutullusoq
pissarsiarisalisavagut?
Taamaassappat qanoq?
Taakkuuku aningaasat suut?

Akissut:

Aallarniutigalgu oqaatigissavara apeqquteqartup apeqqutaa ataatsimut isigalugu akissuteqarfigissagakku.

Naalakkersuisut isumaqanngillat namminiilivinneq aningaasaqarnermut kisimi attuumassuteqartoq, pissutsinilli allanik aamma isiginiagassaqartoq. Assersuutigalugu namminiilivinnissamat apeqqummi aamma pineqarput kinaassuseq, piginnaasaqaleriartorneq inuiaqatigiinnilu unammillernartunik nammineq tunngavissiilluni aaqqiineq – nunap allap ingerlariaaseqarneranut naleqqussartarnek siusinnerusumi pisarsinnaasup akerliannik.

Namminiilivinnissamat siunnerfeqarnermi inuussutissarsiutit ineriartortinnerat avaqqunneqarsinnaanngilaq. Inuussutissarsiutitta salliutinneqartut pitsanngorsaaviginissaat Inatsisartunit siammassissumik isumaqatigiissutaavoq, soorlu takornariaqarnek, aatsitassat aalisarnerlu – inuussutissarsiutillu qajannaassusaat, taamaalillutik annertunerusumik kaaviiartaqarnermut najukkanilu annertunerusumik suliffissaqartitsinnermut tapersiisinnaaniassammata. Tamanna ataatsimut karsitsinnut akileraarutitut akitsuutinullu amerlanerusunik isertitaqartarnermut, taamaalillunilu naalagaaffimmit tapiissutinik pisariaqartitsinitsinnut annikilliarortitsinissaanut iluaqutsiisaaq.

Siunissamat qulakkeerinnittumik aningaasaliinerit nunap inuisa piginnaasaminnik ineriartortitsinissaanut aningaasaliinerit pisariaqarput. Ilinniartitaanermit, isumaginninnermut peqqinnissaqarfimmullu tunngatillugu pingaartumik inuiaqatigiit akornanni ilinniagaqarnerup qaffassarnissaa siunertaralugit aningaasanik annertuunik

ataatsimut aningaasaliinikuuvugut. Piginnaasat qaffassarnerisigut nunanitsinni piginnaasat ilisimasallu ineriartortinnerisigut nammineq aqussinnaasavut amerliartortinnissaat nunatut suliassaraarput. Taamasilluta maannamiit siunissamat nunatut nammineq siuariartornitsigut naalagaaffimmit tapiissutinut pisariaqartitsineq annikillisissavarput. Soorlu inuiaqatigiit akornanni piginnaasaqaleraluttuinnarnermik kiisalu inuussutissarsiutitta salliunneqartut pitsanngorsaavigineratigut.

Allatut oqaatigalugu aningaasaqarneq kisiat ukkataralugu namminiilivinneq anguneqarsinnaangilaq. Anguniakkalli angutserneranut tungavissat ilagalugu.

Naalackersuisut Namminersorneq pillugu Inatsit naapertorlugu sulipput, namminiilivinnerlu anguneqassapat innuttaasut tamanna aaliangigassaraat.

Inussiarnersumik inuulluagqusillunga



Múte B. Egede, Naalackersuisut Siulittaasuat